



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philomathi Mvsae Ivveniles

Alexander <VII., Papst>

Coloniae Vbiorum [i. e. Amsterdam?], 1645

XLII. De Salvatoris Dei Passione Meditatio. Ecce Homo.

urn:nbn:de:hbz:466:1-12750

X L I I .

D E S A L V A T O R I S D E I
P A S S I O N E M E D I T A T I O .

E C C E H O M O .

ECCE HOMO, atque idem Deus. heu ; priori
Impii quantum sceleris ministra
Turba fecit dissimilem ! vides ? ut
Sanguinis imber

Proluit vultum, manibus palustre
Excipit sceptrum calami, labantis
Qui graves mundi reparat cruenta
Morte ruinas !

Igneos vibrant oculi nitores ;
Manat & flumen lacrymis, ut inter
Aurifer gemmas rutilans & undas
Fertur Hydaspes.

Glauca tu felix fluviale arundo
Liqueris stagnum, subitura majus,
Hic ubi undanti bene purpurascis
Tincta cruore.

Heu ; sed isthæc quam levis est arundo,
Nec subit pontum reflui doloris !
Cernis ? ut sacrum sitiens honorem
Spinea circum

Temporum crines bibit, heu, Corona,
Seu natat, seu mergitur, inque acutis

*Vt rosæ spinis, medians, salubrem
Gignit odorem!*

*Hunc dolor Regem facit: in Corona
Ipse tormentum dedit; inque sceptro.
Ipse contemptum addidit, inque demum
Dedecus ostro.*

X L I I I.

DE EIVSDEM PASSIONE.

H O R T V S G E T H S E M A N I.

E *Heu; dolorem quæ lachrymæ queant,
Aut lingua dixum carmine flebili
Explere funus? Primuli ipse
Impia fata luit parentis*

*Natus, superni progenies Dei:
Hortusque, pictis floribus insitus,
Primæ voluptatis palæstra,
Excipit innocui dolores
Primos Iesus. Hic trepidam sibi
Invitat inter blanditias necem
Servator orbis, tum timentem
Obvius ad faciles agelli
Accersit auras. Hic fera pectore
Dum versat imo funera, mergitur
Mortis sub umbra, & sanguis undans
Irriguo rigat ora cursu.*

F 5

Spirassée